

ARUWEN LEGISLATURE-UN EWE MUUN CHUUK

AUNUNGATIN MWIICHENAP, AEWIN MWIICH ATAPWANAPWAN, JAUNARY 1985 NAMOPUNG NO.: 2-123

EW NAMOPUNG

A awora ukukun \$15,000 seni ewe Monienapen ewe Muun Chuuk ren fan asengesin monien apupunu an ei State ren sopolopun monien angangen ewe 4-H Agriculture Youth Club non Fiscal Year 1985, me pwan ren ekkoch popun.

Epwe pung me ren ewe Legislature-un ewe Muun Chuuk.

Tetten 1. Iei a kawor ukukun \$15,000, ika fite ukukun ren an epwe tongeni naaf, seni ewe Monienapen ewe Muun Chuuk ren fan asengesin monien apupunu an ei State ren aninisin monien angangen ewe 4-H Agriculture Youth Club non Fiscal Year 1985, epwe einet ngeni ekkewe nimu congressional election distirct, epwe iei usun napanapan:


- | | |
|-------------------------------|------------------|
| 1) Aewin Kinikinin Uttut | -----\$3,000; |
| 2) Aruwen Kinikinin Uttut | -----\$3,000; |
| 3) Aunungatin Kinikinin Uttut | -----\$3,000; |
| 4) Aruwanun Kinikinin Uttut | -----\$3,000; me |
| 5) Enimuwen Kinikinin Uttut | -----\$3,000. |

Tetten 2. Ei ukukun moni mei kawor me ren Tetten 1 epwe no-ngeni ewe Kepina, ewe epwe wisen tumunu an nounou ewe moni epwe chok fiti metewe popun me napanapan an ewe moni epwe nounou, mei affat non Tetten 1, epwe pwan fiti pungun ewe State Financial Management Act, iwe esap pwan wor nounoun ei moni epwe nap seni ei ukukun mei kawor. Nussun moni esemwo it non September 30, 1985, epwe niwin sefan ngeni ewe Monienapen ewe Muun Chuuk.


Tetten 3. Ewe Kepina epwe awora repotun ei moni ngeni ewe Legislature me mwen April 15, 1985, epwe affatatiw:

- 1) unusen porausen nounoun ewe moni mei kawor non Tetten 1, fongon me ukukun nussun mei wor non April 1, 1985;
- 2) napanapan nounoun ewe nussun moni mei wor non April 1, 1985, ren an epwe nounou non metewe ukukun nussun ewe fiscal year, nge och sopolopun repot won ewe nussun moni epwe pwan katonong ngeni ewe Legislature ika ew committee mei wenengeni nefinen 20 ran me murin saponon ewe fiscal year; pwan
- 3) anapanapan ukukun moni epwe pwan kawor ren fan iten ewe Club non Fiscal Year 1986.


Tetten 4. Ei Namopung epwe poputa pochokunan fansoun an a kapunguno me
ren ewe Kepina, ika fansoun an a pusin winiti annuk won pusip winikapan.

Sain seni: 

Simeon Innocenti, Speaker
Truk State Legislature

Annetata: 

Datasi Albert
Legislative Chief Clerk
Truk State Legislature

Pwinin maram: 

Erhart Aten, Governor
Truk State Government

A Kapunguno Seni: _____

Pwinin maram: _____